

Q. K.
422,
13.

(X 157 89 70)

II K
4186



BIBLIOTHECA
PONICKAVIANA

Udalrici Zafii Resolution

und Antwort/

Auff die Frag/

Ob der Pfaffen/ vnd ge-

nanten Geistlichen vnd Priester Concubinen

oder Huren/ de foro Ecclesiastico oder Seculari, das ist/

Unter dem Geist- oder Weltlichen Gerichtszwang begrieffen,

seyen/ Vnd ob sie von der Weltlichen Obrigkeit billig vnd

Rechtswegen/ mögen/ können vnd sollen

gestrafft werden.

Deren Gleichmässigkeit wegen beygefüget/

I.

Ein Extract auß Beyland Georgii Cassandri

Bedencken vber die Augspurgische Confession/

die Thumbherren/ vnd deren Concu-

binas betreffendt.

II.

Die Straffen der genanten Geistlichen vnd Priester/

welche Concubinas oder Huren haben vnd halten/

Bezogen

Ex Rebuff. in Concordat. Gallix, sub Tit.

de Public. Concubinar.

III.

Die vier grosse Laster/ Sünd vnd Vntugenden/ so

an vnd bey den genanten Geistlichen/ vnd Pü- stern

vornehmlich zu schelten vnd zu straffen.

Vor diesem zusammen getragen/ vnd in die Teutsche Sprach verfasst.

Nunmehr aber ad excidendam Jurisdictionem secularem & Ju-

dicis ordinarii contra Clericorum & Presbyterorum Concubinas

& Iram DEI avertendam, in offenen Truck verfertiget.

ANNO CHRISTI, M. DC. XXXIII.



QVÆSTIO,

Ob der Pfaffen/ vnd
 der genanten Geistlichen Concubinen o-
 der Huren/ de foro Ecclesie oder Secularii? das ist/
 vnter dem Geist- oder Weltlichen Gerichtszwang seyen?
 Vnd ob sie von der Obrigkeit mögen/ können oder
 sollen gestrafft werden?

Drauff resolviret sich der hoch vnd
 weitberümbte Jurist Udalric. Zas. singular.
 Respons. libr. 2. cap. 17. folgender massen/
 vber das jenige/ Was ich vor diesem in mei-
 nen Lecturis gesagt vnd geschrieben/ bezeuge
 vnd bestetige ich abermals/ das der Pfaffen/
 vnd der genanten Geistlichen Concubinae
 oder Huren/ vnter den Geistlichen/ oder der Kirchen Gerichts-
 zwang ganz vnd gar nicht gehörig seyen/ vnd das sie in Anse-
 hung ihres begangenen Lasters nicht allein durch den Bischoff/
 sondern auch durch die Weltliche Obrigkeit können/ mögen/
 vnd billich auch Rechtswegen sollen gestraffet/ vnd wider
 sie/ was die Recht dißfalls vermögen vnd außweisen/ statuiret
 werden/

werden/ welches ich ohne einziye Schew oder Forcht jederzeit also gehalten/ vnd wider den sonst hochberühmbten Juristen Jasonem, welcher vnter anderm/ die Leut das contrarii bereden wollen/ gelehret hab.

Dann ein Geistlicher / der ein Concubin oder Huren hält/ wird von den göttlichen Sachen abgeschafft/ vnd suspendiret, ihm wird verbotten bey Geistlichen Sachen/ Handlungen oder Officien zu seyn/ vnd wann er ein Notorius oder offenbahrer Concubinarius ist/ so wird in dem geistlichen Rechten gebotten vnd befohlen/ daß man seine Messe nicht anhören/ sondern vielmehr meiden vnd fliehen sol/ can. Nullus. distinct. 32. cap. Clericos. cap. Si autem. cap. Vestra. cap. Tua. de Cohabit. Cleric. & Mulier.

Folget derohalben dahero/ daß die Geistliche/ welche Concubinen oder Huren halten/ sich höchlich vergreifen/ vnd sündigen/ auch in ein grosses vnd vbermässiges Laster fallen thun/ darvmben ihre Concubinæ vnd Huren billich vnd Rechtswegen keinen Nutzen von ihnen haben oder empfangen sollen/ Dann sie sollen von dem/ vnd auß denen Sachen keinen Nutzen haben noch bekommen/ in denen sie Straff verwürcken vnd verdienen/ L. Si vel Hereditaria. In fin. & Ibi gl. ff. de Negot. gest. Dannes were auch den Pfaffen/ vnd genanten Geistlichen aus vnd vorträglich/ wann ihre Concubinæ oder Huren von der Weltlichen Obrigkeit nicht könten/ dörfsten oder solten gestrafft werden. Welches der helle vnd klare Augenschein gnugsamb außweist/ weiln die Bischoff solch grosse Sünd/ Schand vnd Laster gebührender massen nicht straffen/ sondern viel mehr selbiges frey vnd öffentlich gestatten vnd zulassen/ vnd darbey durch die Fingær sehen. Es ist auch ganz vnd gar nicht wahr/ daß solche offenbare Concubinæ oder Huren / zu der Pfaffen/

Pfaffen/ oder der genanten Geistlichen Haus- Besind gehörig
 seyen. Sintermaln der Text/ In L. 1. §. Familix. ff. de Publi-
 can. & Vectigal. allein von dergleichen Haus- Besind redet/
 vnd zuverstehen ist/ welches im Rechten vnverbotten/ sondern
 zugelassen. Vnd noch viel weniger ist wahr/ oder zuverant-
 worten/ daß man sagen/ oder außgeben vnd verth. ydigen wil/
 der Pfaffen/ vnd der genanten Geistlichen Concubinæ oder
 Huren seyen vnter der Kirchen Gerichtszwang begrieffen. Ja
 es ist solches ein gar s. ärgerliches/ lasterhaftiges/ vnd nichts-
 würdiges Vor. vnd Angeben/ es sey den Sach/ daß wir bekenn-
 nen wollen/ sie gehören zu der Kirchen/ gleich wie ein böses vnd
 faules Geschwär zu einem Körper oder Leib/ oder daß du viel-
 leicht sagen woltest/ sie gehören zu der Kirchen der Boshafti-
 gen/ vnd Verkehrten. Es dienet auch nichts zur Sachen/ daß
 Petr. de Ancharan. sich wil bedüncken lassen / Es werde der
 Pfaffen/ oder der genanten Geistlichen Ehr dardurch geschänd-
 det/ wann ihre Concubinæ oder Huren durch die weltliche Ob-
 brigkeit solten gestrafft werden/ dann die Pfaffen/ vnd die ge-
 nante Geistliche mögen vnd sollen ihnen die Schuld disfalls selb-
 sten zu mässen/ vnd zuschreiben/ daß sie zu solchem grossen La-
 ster vnd Ergernuß Ursach gegeben/ L. Quod quis ex Culpa.
 ff. de Reg. Jur. L. Inter Coheredes. §. Quod ex facta. ff. Fa-
 mil. eriscund. Ja diejenige ärgern sich selbst/ welche Ur-
 sach zum Ergernuß geben thun/ L. Qui occiderit. §. in hac. ff.
 ad Leg. Aquil. Es hindert auch nichts/ daß die Bischoff die
 Concubinen/ vnd Huren mit der spit vnd schärfste der Excom-
 munication, oder des Banns zu straffen pflegen/ c. Si Con-
 cubinæ. de Senten. Excommunicat. Dann dieses ist der
 Bischoffen sonderliches vnd vornembstes Werck vnd Ampt/
 daß sie in Ansehung vnd Betrachtung offenerer Missethaten/



Schand vnd Laster/ sowohl wider die Weltliche/ als wider die
Geistlichen/ mit dem Ausspruch der Excommunication oder
dem Bann donnern vnd fulminiren, cap. Ut Animarum de
Constitut. libr. 6. So dann die Concubinae, vnd Pfaffen-
Huren ein schändlich/ ärgerlich vnd gottloses Gesind/ welche
so wenig etwas heiliges in sich haben/ als sie die aller vnkeusche-
ste Leut/ vnd nicht würdig seynd/ daß man ihrenwegen andere
Leut mit Rechts Sackungen binde/ oder bestraffe/ L. Quæ Adul-
terium. in fin. C. ad Leg. Jul. de Adulter. Warumb solten
sie dann als andere Vbelthäter/ vnd ein arges/ böses/ vnkeu-
sches/ vnd gemeines Vbel vnd Huren. Gesindt/ so keiner Eh-
ren/ auch sonst nicht würdig/ daß sie mit einer rechtmässigen
Censur der Gerechtigkeit curiret werden solten/ der weltlichen
Obrikeit Hand vnd Gewalt nicht vnterthan oder vnterworfe-
nen seyn.



Folget der Extract auß Georgii Cassandri
Bedencken ober die Augspurgische Confession/
die Ehumbherren/ vnd deren Concubinas
betreffende.

Die Ehumbherren / als die zeitliche Güter
bey ihnen zu/ vnd die Gottseligkeit abgenommen/ ha-
ben das Joeh schier ganz von sich geworffen/ vnd das
Bande der alten Sackungen zurrissen vnd zurbrochen/ also gar/
daß heutiges Tages einzige Hoffnung schwerlich zu machen/
sie wiederum zu diesem eingezogenen Leben/ welches ihr Or-
den erfordert/ zubringen. Wiewol wir lesen/ daß vor 300.
Jahren

Zahren ein Päpstlicher Gesandter zu Lüttich ankommen/ vnd zu dem Ende/ damit er die Geistliche/ vndthumbherren/ von ihren Concubinen/ die sie Köchinnen genant/ abhalten möchte/ ihnen befohlen/ daß sie bey sammen sitzen/ vnd studiren/ zugleich in der Ez. Stuben Mahlzeit halten. In einer einigen Schlafkammer liegen vnd ruhen/ vnd die Kirchen bey Tag vnd Nacht fleißig besuchen sollten/ Geschehen Anno 1203. Allein/ was er damit außrichtet/ erweise/ gegenwärtiger Zustand/ vnd die Erfahrung. Hactenus Georgius Cassander.



Folgen etliche Straffen der Geistlichen vnd Priester/ welche Concubinas oder Huren haben/ vnd halten/ gezogen. ex Rebuff. in Concordat.

Galliae. sub Tit. de public. Concubinar.

Erlischen wird ein solcher Geistlicher/ oder Priester von seinem Ampt suspendiret, oder abgehalten. Item von der Empfahung vnd Nußung seines Einkommens oder Beneficii, welche Nußung vnd Einkommen zum Kirchenbau/ oder sonst der Kirchen zum nußen vnd besten angewendet werden sollen: Panormit. in c. Vestra. de Cohabitat. Clericor. Vnd wann er ein Notorischer oder offenbar vnd wissentlicher Concubinarius oder Hurenhalter ist/ so wird er ipso Jure, von seinem Ampt suspendiret, oder abgehalten/ gl. & Canonist. in c. Cum non Liceat. de præscript.

Zum zweyten/ Wann ein solcher Geistlicher/ oder Priester gewarnet/ oder ihm gebotten wird/ die Concubinam oder Hure von sich zu thun oder zu lassen/ Er aber selbige nicht ver-
 sich

sich thun noch lassen wil/ so sol er aller seiner Beneficien vnd Einkommens priviret vnd entsetzet werden.

Vor das dritte/ So wird er durch solchen Concubinat, vnd Huren halten vnehrllich/ vnd vnredlich/ also/ daß er zu keinen Ehren/ Würden oder Amptern kommen/ noch gelangen kan.

Vierdtens/ Wann er in dem Concubinatu verharrlich verbleibet/ vnd doch nichts desto weniger der Einkommen seiner Beneficien geneust/ vnd selbige bekommet/ so ist er schuldig/ solche zu restituiren, vnd wieder heraus zu geben.

Zum fünfften/ Wann er nach erlangter dispensation, wiederumb ein andere/ vnd neue Concubin oder Hure zu sich nimbt/ so wird er ewiglich vnüchtig/ so wol zu den Würden/ als zu den Amptern.

Zum sechsten/ So sol vnd kan er auch seine Huren-Kinder in seinem Haus nicht halten/ noch auffziehen.

Zum siebenden/ So sol ein Priester/ der ein Concubin hält/ zehen Jahr Buß oder Poenitentz thun/ vnd kan nicht absolviret, noch ihm seine Sünden vergeben werden/ Er sey dann würcklichen/ vnd ganz vnd gar von der Concubinen oder Huren abgesondert.

Zum achten/ So sol die Mess/ die ein Priester/ der eine Concubin oder Hure hat/ hält oder liest/ Nemand hören/ noch auch die heilige vnd würdige Sacramenta von ihm empfangen/ Es sey dann in Todes Nöthen/ das Sacrament der Lauff/ der Buß/ vnd das Nacht oder Abendmahl des H. Erren.

Neundtens hat er auch nicht Macht noch Gewalt in dem Chor zu stehen/ kan auch die Aufscheidung oder Spänd nicht haben/ bekommen oder empfangen/ sondern es wachsen/ vnd fallen dieselben andern zu.

Zum

9.

Zum zehenden/ So ist kein Rescriptum gültig oder kräftig/ welches er nach der Suspension, oder nach dem er abgesetzt ist worden/ erlangt/ erhalten/ oder zu wegen gebracht hat.

Zum eilfften/ So seynd auch die Unterthanen nicht schuldig/ einem solchen Geistlichen/ Priester oder Pfaffen den Zehenden zu geben oder zu reichen.

Zum zwölfften/ So wird er auch von der promotion oder Beförderung der Ordnungen vnd Stellen verworffen.

Zum dreyzehenden/ So kan auch ein solcher Geistlicher/ Pfaff oder Priester/ als ein öffentlicher Berthuner proclamirt, außgeruffen vnd angeschlagen/ auch ihm der Gebrauch/ vnd Nutzung seiner Güter verboten vnd benommen werden/ gleich einem Weib/ das in Unzucht vnd Unkeuschheit leben thut.

Zum vierzehenden/ So kan auch ein Geistlicher/ Pfaff oder Priester/ vermöge Rechts/ seiner Concubinæ/ oder Nuren nichts schäncken/ legiren oder vermachen/ argumento ducto à Milite ad Clericum. l. 2. C. de donat. inter vir. & uxor. Vnd da gleich solches beschehe/ so were es doch von lauter Unwürden/ vnd ganz vnkräftig/ sondern es siele dem Fisco zu vnd anheimb/ Benintend. decil. 22. d. l. Claudius. cum seqq. ff. de His quæ ut Indign. auferant.

Hernach folgen die vier Laster/ so an vnd bey den Geistlichen vornemblich zu schelten vnd zu straffen.

Das erste ist die Unzucht vnd Unkeuschheit/ oder Concubinatus.

B

Das

Das zweyte Laster ist die Mänge vnd Vielheit der Beneficien, daher nun grosse / vnverantwortliche / vnd vngereimte Sachen erfolgen / welche gesetzt vnd erzehlet werden von Papp Joanne XXII. In extra vagant. execrabilis. de prae-bend. & dign.

Das dritte ist der vnfleiß in abwartung des Gottesdienstes.

Das vierde ist der vbermässige Pracht / in statlichen vnd kostbarlichen Mahlzeiten vnd Kleydungen / welches vber vnd wider die Gebühr des priesterlichen Ordens ist / darvon vollkömlich / vnd weilläufftiger gehandelt wird in tit. de vita & honest. Cleric. Derhalben der H. Bernhardus / (welcher Anno Christi 1113. floriret, an Papp Eugenium III. folgender Gestalt geschrieben: Was wil das seyn / vnd darauß werden / daß die Geistlichen anders seyn / vnd anders gesehen werden wollen / nemlich in Habit vnd Kleyder der Kriegsleuth / in den Nutzungen aber vnd Einkommen / als Pfaffen / vnd thun doch in der That selbst / deren beydes keinem ein einziges Genügen. Ferner schreibt jetztgemelter Bernhardus vber die Cantica: Siehe doch / wie die Geistliche oder Pfaffen so gleissend geschmückt vnd gezieret herein treten / mit so vielen vnterschiedlichen vnd farbigen Kleydern behengt vnd angehan / als ob ein Bräutigam auß seiner Kammer herauß gezogen käm / welches allein von den bösen vnd vnächtigen zu verstehen / von vnd zu denen er also redet / Es wird dir gegönnet vnd zugelassen / wann du recht vnd wohl dienest / daß du von dem Altar leben / mit nichten aber darvon Vbermaß vnd Wollust treiben mögest / als daß du dir darvon güldene Zäume lauffst oder machen lassest: oder gemahlte Stühl / Bänck oder Sessel / vnd endlichen / so ist alles dasjenige / was du vber die nottürfftige vnd gemeine schlechte Unterhaltung von dem Altar behalten thust / nicht dein / sondern es ist ein

ein

ein Raub/ ja es ist vielmehr ein rechter vnd eigentlicher Kirchenraub vnd Diebstahl/ dann den Armen nicht geben/ was ihnen gebühret/ wird einem Kirchenraub gleich geachtet vnd gehalten.

Wann dann nun hierauf mehr als gnugsam/ ja überflüssig erwiesen/ daß der genannten Geistlichen Concubinæ oder Hurren der Weltlichen Obrigkeit Jurisdiction unterworfen/ vnd von derselben billich vnd Rechtswegen zu bestraffen seyn/ damit solche Schand/ Sünd vnd Laster/ wann sie vngestraft verblieben/ auch andere nicht entgelten müssen/ sintemahl Hurerey vnd Vnzucht ein große Sünde vnd Laster ist/ welche Gott nicht vngestraft sehn noch lassen kan/ in erwegung/ daß vornemblich/ wegen der Hurerey vnd Vnzucht die erste Welt durch die Sündfluth gestraffet worden vnd vntergangen/ Genes. c. 6. et 7. also sind auch die Sichamiter/ beneben dem Sichem vnd Hemor seinem Vater/ wegen deren an Dina begangener Vnzucht/ durch Levi vnd Simeon ihre Gebrüder erwürget worden/ Genes. cap. 34. Ebenermassen s. vnd auß dem Befehl Gottes 24000. vmbkommen/ daß sie mit der Moabiter Töchtern gehuret/ vnd dadurch sich an den Baal- Peor gehänget haben/ Num. c. 25. So wird in dem Buch der Richter/ Cap. 19. vnd 20. gemeldet/ Wie die Bürger zu Gibeon/ im Stamm Benjamin/ einem Leviten sein Weib geschändet/ daß sie darüber gestorben/ da seye das ganze Volk Israel wider den einigen Stamm gezogen/ vnd denselben fast ganz vnd gar außgerottet. Wenigers nicht seyn Hurerey vnd Ehebruch Ursachen der Straffen gewesen/ das Simson der Gnaden Gottes vnd seiner Stärke beraubet/ dadurch in seiner Feinde Hände gefallen/ vnd ihme die Augen außgestochen worden. Er auch endlich mit seinen Feinden gestorben/ Judic. cap. 16. Vnd daß dem König David sein Kind starb/ der Prophet ihme Gottes Gnad vnd Gunst aussagte/

bis er

bis er sich bekehrte. Ein Bruder den andern ermordte/ der
Bruder die Schwester beschlieff/ sein Sohn Absolon Aufruhr
anrichtet/ David in das Elend muste/ vnd viel Leuth jämmer-
lich ermordet wurden/ Er auch Scheldwort hören muste/ Er
wer ein Bluthund vnd Baalskind/ seine Rebs Weiber wurden
ihm geschändet/ vnd bliebe sein Sohn Absolon mit den Haaren
an der Eychen hangen/ erhüb sich also vnzehlich viel Jammer
im Reich:

Dann Gott der Herr vmb eine Schand
Strafft Leuth/ ja wol ein gankes Land:
Dann Er gerecht vnd eyffrig ist/
Sein Zorn gar weit vmb sich frist.

Soliset man auch/ daß die vornembste Ursach der Zur-
störung der Stadt Troya ist gewesen Paris Ehebruch/ daß er
dem Menelao sein Weib entführet/ darauß groß Jammer vnd
Noht/ die Zurstörung der Stadt/ ja Mord/ Verderben vnd
Vntergang des Königs vnd aller Vnterthanen erfolget/ daß
es also geheissen/ wie Hesiodus schreibet:

Unius est urbi culpa luenda viri: Das ist/
Es muß bezahlen ein ganze Stadt/
Oftt eines Mannes Missethat.
Wann ein Mann der nur gesündigt hat/
Muß zahlen oft ein ganze Stadt.

Als wolle ein jede Christliche Obrigkeit/ zu Abwendung
der Straffen Gottes/ ex officio, ein gebührendes Einsehen ha-
ben/ vnd derohalben den Pfaffen ihre Concubinas vnd Huren
ferner nicht gestatten noch zulassen/ sondern selbige abschaffen/
vnd mit ganz ernstlicher Straff belegen/ damit andere/ wegen
solcher vnkeuschen Sünden/beneben ihnen deroselben Straffen
nicht etwan auch empfinden/ vnd theilhaffig werden müssen/
welche Gott von vns gnädiglich wolle abwenden/ Amen.

E N D E.

Von
mit



Q.K.
422,
13.



Uda

Ob de
nanten Gei
oder Huren/ de
Unter dem G
sehen/ Unt

Dere

Ein Extract
Bedencke
die

Die Straffe
welche C


Ex R

Die vier gr
an vnd be

Vor diesem

Nunmehr aber a
dicis ordinari
& Ira

ANN



KODAK Color Control Patches

Kodak
LICENSED PRODUCT

3/Color Black

© The Tiffen Company, 2000

White

Magenta

Red

Yellow

Green

Cyan

Blue



NICKAVIANA

nd ge
ncubinen
ari, das ist/
begrieffen,
ch vnd

Eassandri
ession/

d Priester/
lien/

enden/ so
stern

verfast.
larem & Ju-
ncubinas

XIII.

